


Bayibolu Yawanyana Anyanya yinakushimuna



Mwiwulu,
Mukala
Walubanji
Mwikalayi
Nzambi



Ayisonekeli kudi: Edward Hughes

Ayilumbulula kudi: Lazarus
Alastair Paterson

Anakuyizatisha kudi: Sarah S.

Ayituntulula kudi: www.christian-translation.com

Wunu mukanda awidisha kudi: Bible for Children
www.M1914.org

©2022 Bible for Children, Inc.
Wuswa: Mudi nawuswa wakukopolola iyi nsaŋu,
neyi chakwila hiyakulandishaku.

1


Hampinji yashakamiyi Yesu hamaseki walejeli
atumbanji twindi hamawulu. Wayitene ni nindi
"Mwitala daTata Yami", nawa wahosheli nindi
mwakela maluŋa amavulu
mwakushakama. Itala
dekala namaluŋa amavulu
mwakushakama, hitala
dadiwahi nankashi.



Mwiwulu mwekala iluŋa deneni nankashi nawa
mwalubanji kubadi itala didi dejima hamaseki.

2


Yesu wahoshel nindi, "Nayi nakuyiloñeshela iluña denu, nakafunta nakuyisenda kulonda nakayitwali kunakekala." Yesu wayili Mwiwulu, hanyima yakusañuka kufuma kudi afu. Iku atumbanji twindi anakumutala, Yesu amusendeli, nawa ivu damujikili alekeli kumumona.



3


Kufuma hayina mpinji, akwaKristu anukaña chikaninu chaYesu chakwinza nakuyisenda. Yesu wahosheli nindi wakafunta mukukasumwisha, hampinji yakadi kwiluka. Chumanyi chikamwekana kudi akwaKristu anakufwa henohu kanda yafunti? Bayibolu yahoshaña nawu ayaña nakwikala hamu naYesu. Kufwa kumujimba hikwikala naMwanta.

Kwikala Hamu Namwanta




4

Chimwekeshu, mukanda wamuBayibolu wakukumishaku, watulejaña chekala mawulu alubanji. Chuma chabadika kuwaha chakwila nawu, munjila yabadika kuwaha, Mwiwulu dimwashakamayi Nzambi. Nzambi wekala kwijima, ilaña itanda dindi dekala Mwiwulu.




5

Añelu niyileñañeña yikwawu yamwiwulu yadifukulaña kudi Nzambi mwiwulu. Chochimu niantu jaNzambi afwa ejima aya mwiwulu. Embaña tumina twatuwahi twakumushimeka Nzambi.




6

Awa dimazu akamina kamu kembañawu: **WATELELA MULOÑA WATUKULILI ETU KUDI NZAMBI KUHITILA MUMASHI EYI KUFUMA KUNYICHIDI YEZHIMA NIMADIMI NAWA WUTWILISHI KWIKALA ANYANTA NIATUPRISTU KUDI NZAMBI YETU.** (Chim. 5:9)




7

Neyi mubakula kumafu akukumisha amuBayibolu yalumbulula Mawulu nawu "Yerusema musumba wawuha". Weneni nankashi, wukweti mbwempu yayilehi yanyemuka. Iyi mbwembu yakutuña namalola ajasiperi, yakejima neyi krisitali. Wuulu nimalola awuseya dihalawulu chikuku champwembu, yakekemaña nawulombu walubanji. Chiisu chamusumba wudi wejima chikweti mperola yenen!




8

Iyi yiisu yamperola yaneni yekalaña yakushinkula mpinji yejima. Twiñilenu kulonda tuyibanjili... O LUBANJI! Mukachi kewulu mwekala olu lubanji. Musumba wakutuña nawuulu waweni, neyi igilasi dakadi majilu. Ninyitonde yakutuña nawulu.




9

Kaloña kakawahi, kamenji awuumi kanakuhita menji akufuma mwitanda daNzambi. Ishina niishinadi dakaloña kudi mutonde wawuumi, wasambilili kuwanawu Mwitempa daEdeni. Iwu mutonde wawuwahi chikupu. Wasoñaña nyikabu 12 yashiyashana hakakweji hakakweji. Nawa mafu amutonde wawumi akuuka nachu nyunza.




10

Mwiwulu himwatoñokeñ mwaana hela kakwejiku. Muloña kulema kwaNzambi kwayitoñokeña chejeji chachiwahi. Himwekala wufukuku.




11

Nawa niatunyama ekala Mwiwulu ambukaku. Atunyama ejima ayifumba nawa hiyafwanaku. Atuñwidi nianyikoku adiilaña hamu munyevu. Nianyitupa abulumaña anakudya matahu neyi ñombi. Mwanta hakuhosha nindi, "Kumpidi yami yajila hiyakakatishaña hela kujilumunaku."



12

Chitunakutala tala, tunamoni kudi yuma yitunabuli kumona mwiwulu. Hitunatiyihu mazu atamaku. Kwosi wunakuzuña hela wudi nalwisu. Kwosi tupatishu yenzelu, kwosi akwakujañaña, akwakupanda, hela antu atamaku. Mwiwulu mwosi nshidi yidi yejima.



13

Antu ashakama naNzambi mwiwulu himwakala kudilaku. Mpinji yikwawu antu jaNzambi adilaña hamuloña wawushona wutwamona muchihandilu. Mwiwulu, wakakombola madilu ejima.



14

Mwiwulu himwekala kufwaku, antu jaNzambi atwalekahu nakushakama haya nyaka naMwanta. Hikwakela nawacheñi kuneña, hela kudila, hela kukataku. Kwosi yikatu, kwosi kwambuka, hela yipenjiku. Muntu wejima mwiwulu wukashakama namuzañalu haya nyaka naNzambi.



15

Sweje-e dinu, Mwiwulu mwekala atwansi awamayala niayañadima (niakulumpi tuhu) akuhwelela mudi Yesu Kristu neyi Chamwinu chawu nawa amwovwahila neyi Mwanta wawu. Mwiwulu mwekala mukanda watenañawu nawu Mukanda waWumi waMwana Kamukoku. Mwezala mazhina awantu. Muneluki mazhina awantu iyasonekamu? Antu ezhima akuhwelela mudi Yesu.

Indenu izhina denu dekalamu?



16

Mazu amuBayibolu ukukumishaku himutambi wawu-wahi wakwila nawu. "Nawa spiritu nikankaña ahoshaña nawu, 'Inzaku!' Nawa muntu wejima wunakutiya ahoshi nindi 'Inzaku!' Nawa wejima wunatiyi mpwila enzi. Wejima wunakeñi, atambuli menji awumi awaana."



17

Mwiwulu, Mukala Walubanji Mwikalayi Nzambi

Nsañu yaMwizu daNzambi, Bayibolu,

yawanikaña mu

Yowanu 14
2 Akorinda 5
Chimwekeshu 4, 21, 22

"Kusoloka kwaMazu eyi kwaletaña chezhezhi."
Masamu 119:130

18

Hanakumini
Nsañu

60

60

19

Iyi nsañu yamu Bayibolu yinakutulezha hadi Nzambi yetu wamuwahi watuleñ'eli nawa nakukeña enu mumwiluki.

Nzambi weluka nindi twekoñaña yuma yatama, Yatenañayi nindi nshidi. Wuloku wanshidi hikufwa, ilañi Nzambi waswezha kuyikeña Watemesheli mwanindi wumu hohu, Yesu, kwinda nakufwila haKulusu nawa wayandilili nshidi zhenu. Dichi Yesu wasañukili nawa wafuntili Mwiwulu mwashakamañayi! Neyi mwakuhwelela mudi Yesu nawa neyi mumulomba wukwanakena nshidi yenu, Wukuyanakena! Natweshi kwikala nanenu, ninenu nawa mukwikala nindi haya nyaka.

Neyi munetezhi nenu iyi nsañu yalala, mulezhenu Nzambi nenu: Mwanta Yesu, nakuhweleli nami Yeyi Nzambi, wenzhili neyi muntu kulonda kufwila nshidi zhami, nawa wasañukili. Nakutambwili muwumi wami nawa anakenaku nshidi zhami, kulonda nekali nawumi wawuha, nawa nakekali naneyi haya nyaka. Nkwashi nikwovwahili nendeña naneyi hamu neyi mwaneyi. Amena.

Tañenu Bayibolu nakuhosha naNzambi ifuku niifuku!
Yowanu 3:16

20